

DCP (L) No F. 2 (P-22) Press / 2014

RNI - DELPRA/2015/59918 ISSN. 2454-5252

2018 (Joint Edition)

ણમો જિણાણં

પાગદ-ભાસા PĀGADA-BHĀSĀ

પ્રાકૃત-ભાષા

પાઙ્ગય-ભાસા

પાઉઅ-ભાસા

PRAKRIT LANGUAGE

Year-4 | Volume-7-8 | The First Magazine in Oldest Indian Prakrit Language Hon. Editor - Dr. Anekant Kumar Jain

MAHAMASTAKABHISHEKA
2018



ગોમ્મટેસ-મહામત્થયાહિસેગ-વિસેસંકં





पागद-अंतर्राष्ट्रीय-विस्मविज्ञयालयस्स ठावणा

6 नवम्बर, 2017 सवणबेलगोला, अंतर्राष्ट्रीय- पागद-सम्मेलणमि केंद्रियमंति-अणंतकुमारो-उग्योसणा किदं जं सवणबेलगोलाखेतमि अंतर्राष्ट्रीय-पागद-विस्स-विज्ञालयस्स ठावणा भविस्सदि। वैसाली संठाणं वि पागद-विस्सविज्ञालयो भविस्सदि। भट्टारग-सामी-चारुकिती वि बहु-जोगादाणं किदं। केंद्रिय मंतिओ अणंतकुमारो 'पागद-भासा' पत्तस्स णूयणांकस्स विमोअणं वि किदं।

- Dr. Arijant Jain

दिल्ली-पागद-अकादमी ठावणा भविस्सदि

27 दिसंबर, 2017 दिल्ली-विहाण-सहा-अज्जक्खो सिरी रामणिवास-गोयलो उवदिटुं जं दिल्ली- पदेसे 'पागद-अकादमी-ठादणा' अवस्स भविस्सदि। पागद-भासा संवादगो डॉ. अणेयंत-कुमार-जइणो, नेसनल -मीडिया-फाउण्डेसण-सचिवो डॉ. इन्दु-जइण, जिण- फाउण्डेसणस्स उवजक्खो सिरी राकेस-जइण एगो पस्तावं तं पदत्तं।

- Dr. Indu Jain



केण्या-अंतर्राष्ट्रीय-सम्मेलणमि 'पागद-भासा' विमोअणं

दिसंबर, 2017, केण्या-देसमि नैरोबी तहा किसुमु-णयरमि आयोजिदं अंतर्राष्ट्रीय-सम्मेलणे तथ्य विस्स-विज्ञालयस्स कुलवई 'पागद-भासा' पढमं समायारपत्तस्स णूयण अंकस्स विमोअणं किदं। महासभा अज्जक्खो सिरी-णिम्मल-सेठी, डॉ. णरेन्द जइण, डॉ. भागचन्द जइण-भाकरो, डॉ. डी. पी. तिवारी, डॉ. दीक्षित, भट्टारग सामी वि तथ्य उवट्टिदो आसीआ।

- Dr. Narendra Jain



Editorial

पागदसाहिच्चम्मि बाहुबली (बाहुबलिस्स पागदभासाहिसेगो)

भारहदेसे पागद-साहिच्चपरंपरा सुदिग्धा अतिथि। पागद-साहिच्चम्मि बाहुबलिस्स वण्णणं अतिथि। दसभत्तिसंगहम्मि णिव्वाण-भत्तिपसंगम्मि जडणायरिएन सिरीकुंदकुंदेण भगवंतं बाहुबलिं ‘गोमटदेवं’ ति णामेण वंदणं किदं-

गोमटदेवं वंदमि पंचसयं धणुहदेहउच्चं तं।

देवा कुणांति वुट्ठिं केसरकुसुमाणं तस्म उवरिम्मि॥¹

जस्स सरीरं पंचसयधणु उच्चं अतिथि। जस्स उवरिम्मि देवा केसरकुसुमाण वुट्ठिं कुणांति, तं गोमटदेवं अहं वंदमि। विउसेहिं इयं गाहा पक्षिखत्ता मणिंजजइ²। ठाणंग आगमे वि बाहुबलिस्स ओगाहणा विसए उत्तं-

‘बाहुबली णं अणगारे पंच धणुसन्ताइं उइदृं उच्चत्तेणं होत्था³
गोमटसारम्मि आइरियणेमिचंदेण बाहुबलिस्स बहुणामाइं उत्ताइं-

गोमटसंगहसुत्तं गोमटसिहरूवरि गोमटजिणो य

गोमटराय-विणिमियदक्षिण कुक्कडजिणो जयउ॥⁴

आयरिय कुंदकुंदो भावपाहुडम्मि बाहुबलिं माणकसाएण कलुसिदं धीरं भणीअ-

देहादिचत्तसंगो, माणकसाएण कलुसिदो धीर ।

अन्नावणेण जादो, बाहुबली कित्तियं कालां॥⁵

धम्मदासगणिविरईए उवदेसमालाए वि बाहुबलिस्स वण्णणं अतिथि-

धम्मो भएण हुंतो तो नवि सीउणह-वाय-विज्ञडिओ

संवच्छरमणसीओ बाहुबली तह किलिस्सतो ॥

विसयसुहरागवसओ घोरो भाया वि भायरं हणइ।

आहाविओ वहथं जह बाहुबलिस्स भरहवई॥

णिव्वाणभत्तीए आइरियकुंदकुंदो बाहुबलिस्स ठाणं पोदनपुरं कहीअ-

‘बाहुबलि तह वंदामि पोदनपुर‘.....’

उत्तरापथे तक्खसिलाणं पुव्वणामं पोदनपुरं अतिथि। आइरिय-विज्ञाणंदेण ‘बाहुबलिस्स रायहाणी तक्खसिला’ (वत्तमाणकालम्मि पाकिट्टाण देसे) इदि गंथे बहु अणुसंधाणं किदं। तस्स मयाणुसारेण तक्खसिला बाहुबलिस्स रज्जं आसी।

सिरि-सीलंकायरियविरइदा चउप्पनमहापुरिसचरियम्मि बाहुबलिस्स वि चरियं अतिथ तथ उक्तं-‘भणियं भरहाहिवेण-लक्खिओ तुह भावावेओ, ता पेसिन्जउ तस्स अज्जेव दूओ, णिव्वडउ तस्स ववसियं। ति भणिऊण सहाविओ सवेगाभिहाणो दूओ। सिक्खविऊण पेसिओ बाहुबलिसमीवं। तओ गामागर-खेड-मडंबाइयाङ्ग लंधेऊण तक्खसिलं, पत्तो य बाहुबलि - भुवणस्स दुवारं’⁷

सेयंबरस्स आवस्सयणिजुत्तिगंथम्मि वि उल्लेहो अतिथ-

‘तथ बाहुबलिस्स रायहाणी तक्खसिला णाम’⁸

विमलसूरिविरइयं पउमचरियम्मि वि उक्तं-

‘तक्खसिलाए महप्पा बाहुबली तस्स णिच्चं पडिकूलो’⁹

आहुणियकालम्मि वि णूयण साहिच्चकारा पागद-भासम्मि णूयण-रयणं कुव्वंति।

‘पागद भासा’ पत्तस्स अयं ‘गोमटेस महामत्थ्याहिसेग विसेसंकं’ विसिटु-रूवेण कम्मजोई- भट्टारग-चारुकित्ति-सामी-महोदयस्स आसीवादेण पगासियं अतिथ।

विसेसंकम्मि बाहुबलिस्स उवरि लिहिदा पाइण-आयरियाणं रयणा वि सन्ति तहा अहुणा वत्तमाणणूयण-साहिच्चकाराणं रयणा वि सन्ति।

पागदभासाए पगासिदं पढमं पत्तं ‘पागद-भासा’ पक्खदो गोमटेसबाहुबलिस्स इदं ‘पागदभासाहिसेगो’ अतिथ। णमो जिणाणं ।

संदर्भो:-

1. परिणिव्वाणभत्ति-27
2. डॉ. पण्णालाल, कुन्दकुन्दभारती, पृ. 343
3. ठाणं 5/सूत्र-161, पृ. 591
4. गोमटसारो, गाहा-968
5. भावपाहुड, 44
6. पक्खितं गाहा-23
7. चउप्पनमहापुरिसचरिय, पृ.44
8. आवस्सयणिजुत्ति, पृ. 180-181
9. प.च.4.38



- Dr. Anekant Kumar Jain

बाहुबलिस्स चरियं

(विमलसूरिविरङ्गयं पउमचरियस्स चउद्देसम्म)
(गाहा-36 तो 48)

ताव य चक्कहरतं, संपत्तं भरहराइणा सयलं।

हयगयजुवइसमग्गो, चउदसरयणाहिवो धीरो।

उसभजिणस्य भगवो, पुत्तसयं चन्दसूरसरिसाणं।

समणतं पडिबनं, सए य देहे निरवयक्खं।

तक्खसिलाएँ महप्पा, बाहुबली तस्स निच्चपडिकूलो।

भरहनरिन्दस्स सया, न कुणइ आणा-पणामं सो।

अह रूटो चक्कहरो, तस्सुवरि सयलसाहणसमग्गो।

नयरस्स तुरियचवलो, विणिगगओ सयलबलसहिओ।

पत्तो तक्खसिलपुरं, जयसद्गुधुकलयलारावो।

जुझ्झस्स कारणत्थं, सन्नद्धो तक्खवणं भरहो।

बाहुबली वि महप्पा, भरहनरिन्दं समागयं सोडं।

भडचडयरेण महया, तक्खसिलाओ विणिज्जाओ।

बलदप्पगव्वियाणं, उभयबलाणं रसन्ततूराणं।

आभिट्टं परमरणं, नच्चन्तकबन्धपेच्छण्यं ।

भणियो य बाहुबलिणा, चक्कहरो किं वहेण लोयस्स।

दोणहं पि होउ जुझ्झं, दिट्टीमुट्टीहि रणमज्जे।

एवं च भणियमेत्ते, दिट्टीजञ्जं तओ समव्यडियं।

भग्गो य चक्खुपसरो, पढमं चिय निज्जिओ भरहो।

पुणरवि भुयासु लगा, एक्केक्कं कठिणदप्पमाहप्पा।

चलचलणपीणपेल्लण- करयलपरिहत्यविच्छोहा ।

अद्धतडिजोत्तबन्धण- अवहत्थुव्वत्तकरणनिम्मविया।

जुझ्झन्ति सवडहुत्ता, अभग्गमाणा महापुरिसा ।

एवं भरहनरिन्दो, निहओ भुयविक्कमेण संगामे।

तो मुयइ चक्करयणं, तस्स वहत्थं परमरूटो।

विणिवायणअसमत्थं, गन्तूण सुदरिसणं पडिनियतं ।

भुयबलपरक्कमस्स वि संवेगो तक्खणुप्पन्नो।

बाहुबलिस्स दिक्खा

(पउयचरियं 4/49-55)

जंपइ अहो! अकज्जं, जं जाणन्ता वि विसयलोभिल्ला।
पुरिसा कसायवसगा, करेन्ति एककेकमवि रोहं ॥

छारस्स कए नासन्ति, चन्दणं मोत्तियं च दोरत्थे।
तह मणुयभोगमूढा, नरा वि नासन्ति देविङ्गुं ॥

मोतुं कसायजुज्जं, संजमजुज्जेण जुज्जिमो इण्हं।
परिसहभडेहि समयं, जाव ठिओ उत्तमटुम्मि ॥

नमिऊण जिणवरिन्दं, लोयं काऊण तत्थ बाहुबली।
वोसिरियसव्वसङ्गो, जाओ समणो समियपावो ॥

काऊण सिरपणामं, चक्कहरो भणइ महुरवयणेहिं।
मा गेण्हसु पव्वज्जं, भुज्जसु रज्जं महाभागं ॥

संवच्छरपडिमत्थं, बाहुबली पणमिऊण चक्कहरो।
सयलबलेण समग्गो, साएयपुरिं समगुपत्तो ॥

बाहुबली वि महप्पा, उप्पाडिय केवलं तवबलेणं ।
निटुवियअटुकम्मो, दुक्खविमोक्खं गओ मोक्खं ॥

अजेय बाहुबली

(महाकइ-संभू)

पर एककु ण सिज्जइ साहिमाणु सय पंच-सयास-धणु पमाणु।
तिर्थकर-णंदणु-तुह कणिहु, अट्ठाणवइहिं भाइहिं वरिहु॥
पोअण-परमेसरू चरमेदेहु, अखलिय-मरहु जयलच्छ-गेहु।
दुव्वार-वइरि-वीरंत-कालु, णामेण बाहुबलि वल-विसालु ॥

वेड्हिउ सुहु विसालेहिं वेल्ली-जालेहिं, अहि-विच्छिय-वम्मीयहिं।
खणु वि ण मुक्कु भडारउ मयण-वियारउ णं संसारहों भीयहिं॥

(पंच. 4/12)

बाहुबलि महाबलु

(महाकड़-पुष्फदंत-विरइयं महापुराणमि)

सिसु अविपिकक-वंस सुच्छायउ, बालउ बाहुबलि वि तहि जायउ।

तुच्छबुद्धि अप्पउ अवगण्णमि, पहिलउ कामएउ किं वण्णमि ॥१॥(5/14)

जो सूहउ महिलहिं माणिज्जइ । कंदप्पु जि पुणु कहु उवमिज्जइ ॥(5/17)

आरणालं-विलसिय-कुसुम-मगणो गरुयगुणगणो तरुणि-हियय थेणो।

असरिस-विसम-साहसो, वसि हयालसो णिहय-वेरिसेणो॥१॥

अण्णु वि जसवइतणयहं जेट्टउ, पुत्रु सुणांहि तुज्जु कणिट्टउ।

सायरु जिह तिह मयरघयालउ, चावहं चारुवयणु चरियालउ।

पंचसायाइं सवायइं तुंगड, भण्णइ संपहिं सो ज्ज अणगड।

बालु बंभसुंदरिहि सहोयरु, पिठपयपयरुहरयरउ महुयरु।

हरियदेहु णं मरगयगिरिखरु, अरिकरिदसणमुसलपसरियकरु।

विमल-कुलाल-वाल-सुरतरुवरु, चरमदेहु सासय-सुह-सिरिहरु।

गुरुचरणारविंद-रइ-रस-वसु, मंदर-कंदर-रंत-गाइय-जसु॥

दुत्थियदीणाणाहहं दिहियरु, णरहरिसरणागयपविपंजरु।

लीला-दलिय-महायल-मयगलु, कठिणबाहु बाहुबलि महाबलु॥

घन्ना

सो अच्छइ उपसमु धरिवि मणे जइ रणि कह वि वियंभइ॥

तो सहुं चक्के सहुं साहणेण पहिं मि णरिंद णिसुंभइ॥५॥

आरणालं

जो जिप्पइ ण हारिणा कुलिसधारिणा पयड-सुहडरोलों।

सो णिम्महइ-माणवे जिणइ दाणवे देव कलहकाले।

घन्ना-विंभिड भरहणराहिवइ बाहुबलीसु जगेण पसंसिड ॥

गयणभाउ सुरमुक्कियहिं पुष्फंदंतपंतिहिं णं पहसिड (सन्धि-18)

घन्ना

ससि सूरहो मंदरु मंदरहो इंदहु इंदु अणीयउ।

पर एककहु णंदाएविसुय तुह ण णिहालमि बीयउ ॥

आयरिय-णेमिचन्दविरङ्गा चामुण्डरायो गोम्मटो जयउ

अज्जज्जसेणगुणगणसमूहसंधारिअजियसेणगुरु।

भुवण गुरु जस्स गुरु सो राओ गोम्मटो जयउ ॥ (गो.सा. जीवकाण्ड-734)

गोम्मटसंगहसुतं गोम्मटदेवेण गोम्मटं रङ्गय।

कमाण णिज्जरटुं तच्चटुदधारणटुं च॥

जम्हि गुणा विस्संता गणहरदेवादिङ्गुपत्ताण।

सो अजियसेणणाहो जस्स गुरु जयउ सो राओ॥

सिद्धतुदयतडुग्गयणिम्मलवरणेमिचंदकरकलिया।

गोणरयणभूसणं बुहिमइवेला भरउ भुवणयलं ॥

गोम्मटसंगहसुतं गोम्मटसिहरूवरि गोम्मटजिणो य।

गोम्मटरायविणिम्मियदक्षिखणकुक्कडजिणो जयउ ॥

जेण विणिम्मियपडिमावयणं सब्बटुसिद्धिदेवेहिं।

सब्बपरमोहिजोगिहिं दिटुं सो गोम्मटो जयउ ॥

कज्जयणं जिणभवणं ईसिपभारं सुवण्णकलसं तु॥

तिहुवणपडिमाणिकं जेण कयं जयउ सो राओ॥

जेणुब्बियथंभुवरिमजक्खतिरीटग्गकिरणजलधोया।

सिद्धाण सुद्धपाया सो राओ गोम्मटो जयउ ॥


गोम्मटसुतल्लहणे गोम्मटरायेण जा कया देसी।

सो राओ चिरकालं णमेण य वीर मत्तंडी॥

(गोम्मटसार कम्मकण्डम्मि पसत्थी गाहा 965-972)

Inscriptions that mention Sallekhana Vrat

Of the 54 inscriptions of the Seventh Century A.D., 41 inscriptions mention about Sallekhana Vrat; of the twenty inscriptions dating back to Eighth Century, ten mention about Sallekhana Vrat. Furthermore, all the inscriptions related to Seventh Century A.D. mention the names of Antim Shrutakevali Bhadrabahu as well as Chandra Gupta Maurya.



आयरिय-णेमिचन्दविरङ्गदा गोमटेस-थुदि



विसट्ट-कंदोट्ट-दलाणुयारं। सुलोयणं चंद-समाण-तुंडं॥
घोणाजियं चम्पय-पुफसोहं। तं गोमटेसं पणमामि णिच्चं ॥1॥

अच्छाय-सच्छं जलकंत-गंडं, आबाहू-दोलंत सुकण्ण-पासं ।
गइंद-सुंदुज्जल-बाहुदंडं, तं गोमटेसं पणमामि णिच्चं ॥2॥

सुकंठ-सोहा-जिय-दिव्वसोक्खं। हिमालयुद्धम-विसाल-कंधं ॥
सुपेक्ख-णिज्जायल-सुट्टुमज्जं। तं गोमटेसं पणमामि णिच्चं ॥3॥

विज्ञायलगे, पविभासमाणं। सिंहामणि सव्व-सुचेदियाणं ॥
तिलोय-संतोसय-पुण्णचंदं। तं गोमटेसं पणमामि णिच्चं ॥4॥

लयासमककंत-महासरीरं। भव्वावलीलद्ध-सुककप्परूक्खं ॥
देवंदविंदच्चिय पायपोम्मं। तं गोमटेसं पणमामि णिच्चं ॥5॥

दियंबरों यो ण च भीझुत्तो, ण चांबरे सत्तमणो विसुद्धो ।
सप्पादि-जंतुप्फुसदो ण कंपो, तं गोमटेसं पणमामि णिच्चं ॥6॥

आसां णये पेक्खदि सच्छदिट्ठि। सोक्खे ण वंछा हयदोसमूलं ॥
विरायभावं भरहे विसल्लां। तं गोमटेसं पणमामि णिच्चं ॥7॥

उपाहिमुत्तं, धण-धाण-ववज्जियं। सुसम्मजुत्तं मयमोह-हारयं ॥
वस्सेय-पज्जंतमुवास-जुत्तं। तं गोमटेसं पणमामि णिच्चं ॥8॥



‘सव्वधम्म-उपासणम्मि ‘गोमटेस-थुदि’

30 जनवरी, 2018, णव दिल्ली महाप्रागांधी
पुण्णतिहि-अवसरम्मि डॉ. इन्दु-जडणेण सव्वधम्म-पत्थणम्मि
'गोमटेस-थुदि' ससरेण पत्थुदा। तत्थ पहाणमर्तिओ सिरि णरेंद
मोदी वि उवट्ठिदो आसी। यू-ट्यूब लिंकं अतिथ-
<https://youtu.be/EiYjGBPSYHs>

बम्भलिविए गोमटेस थुदि

[କାହାରେ କିମ୍ବା କିମ୍ବା କିମ୍ବା କିମ୍ବା]



- አዲስ አበባ የኢትዮጵያውያን ስራውን በመሆኑ ተደርጓል፡፡
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ①
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ②
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ③
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ④
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ⑤
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ⑥
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ⑦
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ⑧
 - የተመለከተ የሚገኘውን የዕለታዊ ስራውን በመሆኑ ተደርጓል፡፡ ⑨

मृत्यु दर्शक

 **President of India** @rashtrapati_bhvn · 23h
मुझे यह जानकर प्रसन्नता हुई है कि वहाँ के ट्रस्ट के प्रयासों से इस क्षेत्र में मोबाइल अस्पताल, बच्चों के अस्पताल, इंजीनियरिंग कॉलेज, पांचीटीकम्ह और नर्सिंग कॉलेज की स्थापना कराई गई है और एक 'प्राकृत विश्वविद्यालय' के निर्माण पर भी काम चल रहा है – राष्ट्रपति कोविन्द

णमो गोम्मटेसरस्स! णमो गोम्मटराइणो!

कण्णाड-देसे समणबेगोल-पासे विज्ञगिरिमि अह,
मोणं चिट्ठुदि गोम्मटेसरो सहस्सेग-वरिसेहिं उवह !
चामुंडराइणे सो जिणधम्म-भत्ति-रक्खण- भव्व-संदेसो!
कण्णाड-देस-सिप्प-विणाण-सव्वस्स-दिव्व-संकेदो!
को माउं तरदि तस्स मोण-गहीरिमं, हास-महुरिमं,
को वा तस्स तित्ति-भावं, तह चाग-मेरं?
देश-विदेसादो णेगा तत्थ पदि-दिणं गच्छत्ति!
अप्पाणं माण-हरणं मुणिअ ते पडिणिवत्तंति!
बारस-बारस-वरिसेहिं, सुवण्ण-रूप्पादि-कलस-एग- सहस्सटुहेहिं,
गोम्मटेसरस्स तस्स महामत्थगाभिसेगो होदि!
गोम्मटेराइणो वि माण-हरण-कहं णो सुमरावेदि!
गोम्मटेसरो जदि वि सया मोणं तहिं चिट्ठुदि,
अम्हाणं माण-दोसं सो झत्ति णं विकङ्गदि�!
हास-तित्ति-चाग-गुणाइं अम्हं सिक्खावेदि!
णमो गोम्मटेसरस्स! जस्स पहावेण मिं पुणिदो!!
णमो गोम्मटराइणो! जेणमयं विगगहो ठाविदो!!

- Dr. B.K. Khadbad, Dharwad
(Gomteshwar Mahabhishek Smaranika - 1981)

Para paripaya graha vyanam
परस्परायारहो जीवानम्





सदाहं णमामि सुणंदासुयं तं

विइत्तागगयं जो रणे वीरियाओ, विरत्तो अहेसि भुइ पत्त रज्जो ।
तवम्मि णिलीणो विलीणाघ ओहं, सयाहं णमामि सुणंदासुयं तं ॥1॥

तवं आयरंतं महासीयवायं, सूरियपयावं महंभोयवुट्टिं।
सहेइ थिरं अत्तज्ञाणं जुओ उ, सयाहं णमामि सुणंदासुयं तं ॥2॥

गहित्ता तवं जेण भुत्तं ण किंचि, जलं णेव गहियं पिआसाउरेण।
विवड्डो अहेसि सओ गुणसमूहो, सयाहं णमामि सुणंदासुयं तं ॥3॥

जईए सुदेहे गिरिंदेण तुल्ले, घणा सामलाहा सुलगगा हवेइ।
सया झाणमगं महामोक्खलगगं, सयाहं णमामि सुणंदासुयं तं ॥4॥

तए अंगलग्गो लयाए समूहो, सुरीखेअराओ विऊरं किअं तं ।
जुयं पक्षिखविंदे णिड्डे ठिए हि, सयाहं णमामि सुणंदासुयं तं ॥5॥

णिमग्गो सया सत्तसंचेयणाए, सुलग्गो सया मुत्तिकंताणुबंधे।
दहंतं सया कम्मदावं महंतं, सयाहं णमामि सुणंदासुयं तं ॥6॥


सुरा खेयराइ खु णिच्चं णमंते, ठिअं झाणमज्जे गिरिंदोवमाणं।
महाबोहकेवल-सिरीए सोहंतं, सयाहं णमामि सुणंदासुयं तं ॥7॥

विहूय अट्टयं जो विहीणं विदुट्टं, हवइ मोक्खमासी खलु एव खिप्पं।
थुअं देवविंदेहि थुअ साहु संघेहि, सयाहं णमामि सुणंदायसुयं तं ॥8॥


– Prof. Rishabh Chand Jain Fojdar, Vaishali

पागद-विउसस्स सुपुत्तो पो. डॉ. रजणीस-जडणो यू.जी.सी. सचिवो णिजुत्तो

पागद-भासा-आगम-साहिच्चस्स वरिट्टु-मणीसी,
संपुण्णाणं-सक्कय-विस्सविज्जालयस्स पागद-जडणागम-
विभागस्स पुव्व-अज्जक्खो दिवंगओ आइरिय गोकुलचंद-जडण-
महाभागो तस्स सुपुत्तो पो. डॉ. रजणीस-जडणो-विस्सविज्जालय-
अणुदाण-आओगस्स सचिवो णिजुत्तो। पागद-भासा पक्खदो
सुहकामणा।



मुणिपणम्मसायरविरइदा
गोमटेस भत्ती
(चउपाई छंद)



सिरिजिणसेण मुणीसरकहिदं बाहुबली जिणमहिमावयणं।
ठविदा भरहेण जिणपडिमा पोदणपुर ठाणे बहुग्रिमा ॥1॥

सुणिय कालला माया एवं दंसणकरणे कुणदि सुभावं।
जाव ण दंसणमहं करोमि ताव ण दुङ्ग मुहे धरेमि ॥2॥

जणणीगहणं वदं सुदेणं चामुण्डरायेणं जं णादं।
ताए अहिलासं पूरेज्ज भावं तस्स मणम्मि होज्ज ॥3॥

सह परिवारेणं सा जत्ता पारंभा मग्गे सुववत्था।
पोदणपुर-मग्गं णहि पावइ कडवप्पं खलु सो आगच्छइ ॥4॥

णेमिचंदसिद्धंतगुरुस्स चरणं पूजिय महिमं तस्स।
पूदगिरिस्स सुणिय संतुट्टो तथ्य मंदिरेसुं स पविट्टो ॥5॥

मायाए सह सिविरं गच्छय चिंताभारेणं सो सयिय।
पादो जगिय मायापुत्रं परोपरं संतुट्टं विट्टुं ॥6॥

रत्तीए सुमिणं मए दिट्टुं कहेदि माया सुदो वि सम्मं।
चामुण्डस्या सह मायाए सूरिसमीवं विणम्मदाए ॥7॥

बुते सूरी भासदि हं वि सुमिणं पासमि कहेमि तं वि।
एगा देवी जकरवी टिट्टा कुसुमंडिणी कहेदि सुतुट्टा ॥8॥

पोदणपुरमग्गो अवरुद्धो सप्पेहिं कण्डेहिं विद्धो।
सेलत्तो दकिखणमुहट्टाणं बाणपओगं किच्चा बाणं ॥9॥

लगगदि जत्थ तथ्य इगच्चितं बाहुबलिसामिस्स विचित्तं।
होहिदि भासिय एवं जादा देवी सा खलु अंतज्ञाणा ॥10॥

अवरदिणे गुरुआणाए सो बाणपओगं काढुं णद्धो।
मंतणमोक्कारं उच्चारिय चित्तं दिट्टुं बाणं मुंचिय ॥11॥

सब्बे हरिसा विझिगिरीए परिस्सय तुट्टियभव्वसिलं ते।
पडिमाघडण्टुं खलु पच्छा तेण पेसिदा अणुयरभिच्चा ॥12॥

सयं धरिय सामण्णविभेसं सिप्पिगवेसणहेदू देसं।
गच्छदि मंती मायाआणं पूरणकामो ठाणं ठाणं ॥13॥

पडिमा सा होदव्वा एसा विस्से हवे ण कावि सरिसा।
दंसणेण दुब्बाव विणासो सच्च-अहिंसा-सति-पयासो ॥14॥

जुगे जुगे जिणधम्मपहाणं णिगगटुं हिदमप्पपहाणं।
चागअकिंचणभावा हेदू अप्पसर्तिसुहकरणसुसेदू ॥15॥

कहमवि पत्तो सिप्पिविसिटुो णाममरिटुणेमि सो जेट्टो।
 कहिदं सिप्पि! कुणहि णिम्माणं पाणवंतमिह तं पासाणं ॥16॥

दाहिमि ते मुहजाचणदाणं पुहपासाणसुवण्णपमाणं।
 पस्सदि सिप्पी विम्महणेत्तो सीकरणं तं लोहिदचित्तो ॥17॥

पारभदि कज्जं सो सणियं धरियमणं एयंते एगं।
 आवागमणं रूधिय तत्थ मग्गं रचिय सुदिट्ठुपसत्थं ॥18॥

कइपयमासाणंतरमेगे भरमाणो चुणं खलु सूदे।
 माया आगच्छंता दिस्सदि सिप्पिसुदं किं करोसि पुच्छदि॥19॥

माआ! णत्थ इदं रयचुणं पस्स पस्स एदम्मि सुवण्णं।
 णिकिखतं करमेव भासिय सूदे असमथो उट्टाविय ॥20॥

णित्तेजो सिप्पी पुण रूवदि माया पस्सदि रक्खदु कोक्कदि।
 पावभावफलमेदं पुत्त! धम्मे कज्जे लोहं मुंच ॥21॥

पस्स काललाजादं पुतं महोदारचितं तु तुच्छं।
 अत्थ सुदो मे जदि तो पुत्त! हत्थकलं मा विकक्सि अत्थ ॥22॥

जणणीवयणं सोच्चा सिप्पी उरलोहं धोवदि सो दप्पी।
 जाचादि खमं च आसीवाद देउ करोमि हं णिब्बाधं ॥23॥

णमोक्कारमंतस्स सुजावं आइरियादि कुणदि जणजादं।
 जिणगंधोदगफासे देहे संचारो सत्तीए अंगे ॥24॥

सिप्पी णीरोगो संजादो सुहकज्जे लग्गादि सुहभावो।
 णिल्लोहो एयगगमणेणं महाभव्वपडिमाघडणटुं॥25॥

कदो समो रत्तीए दिवसे पादे अंगुलिणहससिभासे।
 जंघा भुजा माहवीलित्ता कुचिदकेसा अंबुजणेत्ता ॥26॥

अणुवमसुंदरमहाससीरं घडिदं रूवं णाहिगहीरं।
 पडिमापुणं दिट्ठुं हियए हरिसोल्लासो णरणारीए ॥27॥

छम्मासे हि मुत्तिपदिट्ठु महाभिसेगो कदो विसिटु
 गोम्मटेससुहणामं दिणं जय जय जय जिडपडिमापुणं॥28॥

(दोहा-छन्द)

गोम्मटेसजिणवस्स मे भत्तीराएणत्थं।
 कदा संथुदी भावदो गमणं होज्ज तत्थ ॥29॥

मुणिपणम्मसायर रचिय- भत्तिं इमं पढेउ।
 सो सुरणवरवंदिदो मोक्खं सिग्ध लहेउ ॥30॥

(श्लोक)

भिवाणीणयरे कदा पुणा सुरयणा मए।
 सुक्कपक्खे य मासम्मि मगसिरे दुवे तिही॥31॥

- Muni Pranamya Sagar (Sanghastha Acharya Vidyasagar Maharaj)

बाहुबलिस्म पूर्यणं (ठावणा)



रिसहदेवस्म जो आसी, सुदो धीरो महातवी।
णामेण बाहुबली किंतु, णाण-झाण-बली महा ॥
अम्हे वंदामि भावेण, हे पहु! एथ्थ आयह?
मञ्ज्ञ हिदयम्हि हे जिण! णिच्छ्यमेव वसह वसह॥

ॐ ह्रीं श्री बाहुबलिस्वामिने अत्र अवतर अवतर संवौषट्। अत्र तिष्ठ ठःठः। अत्र मम सन्निहितो भव भव वषट्।

(अट्ठगं)

णीरं जलं समप्पामि, जीवणस्म विसुद्धिए।
णीरसम जीवणं दिंतु, बाहुबली जिणेस्सर॥
ॐ ह्रीं श्रीबाहुबलिस्वामिने जन्मजरामृत्यु- विनाशाय जलं निर्वपामीति स्वाहा।
चंदणं सीयलं लोए, चंदणाओ वि चंदमं।

आदस्स सीदलयामिच्छे, बाहुबली जिणेस्सर ॥

ॐ ह्रीं श्रीबाहुबलिस्वामिने भवातापविनाशाय चंदनं निर्वपामीति स्वाहा।
लोए सब्बं खणभूदं, णत्थि अक्खय किंचिवि।

तम्हा अक्खयपदमिच्छे, बाहुबली जिणेस्सर॥

ॐ ह्रीं श्रीबाहुबलिस्वामिने अक्षयपदप्राप्तये अक्षतं निर्वपामीति स्वाहा।
पुफकं मोहस्स लिंग तिथि, तुम्हे मोहस्स णिञ्जिदा।

हं पि मोहं खयं णेमि, बाहुबली जिणेस्सर॥

ॐ ह्रीं श्रीबाहुबलिस्वामिने कामबाणविधंसनाय पुष्पं निर्वपामीति स्वाहा।
भोयणं वंजणं किं पि, णिच्छ्येण ण कारणं।

तम्हा णाणं सदा पेयं, बाहुबली जिणेस्सर ॥

ॐ ह्रीं श्रीबाहुबलिस्वामिने क्षुधारोगविनाशाय नैवेद्यं निर्वपामीति स्वाहा।
दीवेण एदेण किं होदि, णाणदीवं पयासगं।

णाणदीवं पहु दिंतु, बाहुबली जिणेस्सर॥

ॐ ह्रीं श्रीबाहुबलिस्वामिने मोहान्धकारविनाशाय दीपं निर्वपामीति स्वाहा।
धूवं तुज्ज्ञे समप्पामि, अट्ठकम्मविणासगं।

ड़झित्ता कम्म धम्ममायादि, बाहुबली जिणेस्सर॥

ॐ ह्रीं श्रीबाहुबलिस्वामिने अष्टकर्मदहनाय धूपं निर्वपामीति स्वाहा।

फलेण पूजेमि हे जिणवर, फलं किं चि ण याचमि।
महामोक्खफलं दिंतु, बाहुबली जिणेस्सर ॥

ॐ ह्रीं श्रीबाहुबलिस्वामिने मोक्षफलप्राप्तये फलं निर्वपामीति स्वाहा।
 लोए अघ्यं ण हि किं चि, अघ्यं पहु तुह देसणं।
 तं तु हिदये धरणिज्जं, बाहुबली जिणेस्सर ॥
 ॐ ह्रीं श्रीबाहुबलिस्वामिने अनर्थपदप्राप्तये अर्थं निर्वपामीति स्वाहा।

जयमाला

हे रिसहपुत्र पहु बाहुबली, सुणंदा देवि य मादु भाली।
 भरदेस्सर चक्की बंधू तुह, बहिणी बंभी सुंदरी य सुणह ॥1॥
 हे तक्खसिला णिव बाहुबली, हे पोयणपुर णिव बाहुबली।
 जय कम्मे सूरा बाहुबली, जय धम्मे सूरा बाहुबली ॥2॥
 अहिमाणमेरु हे बाहुबली, चक्कीमयभंजण बाहुबली ।
 हे दिट्ठीजुद्ध जय बाहुबली, हे णीरजुद्ध जय बाहुबली ॥3॥
 हे मल्लजुद्ध जय बाहुबली, पुण धम्मजुद्ध जय बाहुबली।
 हे जगजेदा पहु बाहुबली, पुण आदविजेदा बाहुबली ॥4॥
 णिस्सल्लो मल्लो बाहुबली, देहादिविरत्तो बाहुबली ।
 वेरगगमुत्ति जय बाहुबली, जय महातवस्सी बाहुबली ॥5॥
 जय तिहुवणतिलयं बाहुबली, जगदस्स आहारे बाहुबली।
 जय संतिकंतिजुद बाहुबली, जय संतिकंतिपद बाहुबली ॥6॥
 बाहुबली तुह णिच्छ बली, लोए ण हि अण्णो को विबली ।
 तुह बाहुबली ण हि आदबली, तुह णाणबली तुह झाणबली ॥7॥
 तुह लोए मंगल बाहुबली, तुह लोए उत्तम बाहुबली।
 तुह लोए सरण बाहुबली, पणमउं चरणं तुह बाहुबली ॥8॥
 तुह णंतबली णिगंथबली, झाणाणंतर केवली सु बली।
 जय सिद्धसिला णिव बाहुबली, जय जय जय जय बाहुबली ॥9॥
 हं पणमउं पद तुह बाहुबली, हं पि होस्सामि बाहुबली ।
 जो झायदि मणसा बाहुबली, सो होस्सदि णिच्छय बाहुबली ॥10॥
 ॐ ह्रीं श्री बाहुबलिस्वामिने महार्थं निर्वपामीति स्वाहा।
 इयं बाहुबली-पूया, जो पइदिणं पढिज्जदि
 तस्स दुक्खाइं णस्संति, सव्वसुक्खं य पावदि ॥
 इत्याशीर्वादः ।

आइरियसुणीलसायरविरङ्गदा
बाहुबली महामत्थयाहिसेगो



एमामि आदिपुत्रस्स, सुणंदाकुकिखजं तहा।
भरहस्स लहुं भायं, बाहुबलिं महाबलिं ॥१॥

काललदेवी – मादाए, चाम्हेण य णामिमदं।
णेमिचंदेण संपुज्जं, एमामि गोम्मटेसरं ॥२॥

वरिसादो सहस्रादो, सम्भावुवदेसगो।
रायसत्ता गदा णेगा, गोम्टेसो दु सुट्ठिदो ॥३॥

बारसवरिसा पच्छा, महामत्थयाहिसिगो।
महा-महुच्छवो होदि, णेगा रत्ति-दिणाणि य ॥४॥

आणंदेति जणा सब्बे, सम्मिलिति बहुजणा।
णेगभाषा विभूसा य, पुण्णो देसो पमोदति ॥५॥

उग्घाडेइ सुहे काले, रुज्जनक्खो महुच्छवं ।
मंती पहाणमंती वि, अणुमोदेदि णंवदि ॥६॥

मुक्खमंती रज्जवालो, अण्णदेसी जणा तहा।
अहियारी णयाहीसा, आगच्छंति हि सेट्टी वि ॥७॥

आइरिया मुणीसंघा, अञ्जिग खल्लिगा तहा।
एलगा खुल्लिगा भट्टा, णंदति देशसंजमी ॥८॥

होदि महाहिसेगस्स, विज्जू-जी पसारण।
विस्सस्तिकरो संति-धारा कुंभेण होदि हि ॥९॥

गोम्मटेस्सस्स अच्चाए, वेरगभावुवज्जइ।
वीदरागो णिरंगो वि, भत्तीपुण्णेहि रंजिदो ॥१०॥

जोणहधम्म-वहावत्थं, भासा पागिद वढूण।
अंतररट्टियो गोट्टी, होदि संसोहणं परं ॥११॥

एज्जंति बहुविज्ञाणा, बहुभासा विसारदा।
अक्खहिसिगं किच्चा, जिणधम्मं जयंति य ॥१२॥

चारुणिदेस-दायारा चारुकिती भडारगो।
चारु-संचालणं चारु-समण्णओ विसारदो ॥१३॥

गोम्मटदेव-थुदी



सुणंदणं धुरूणं दणं च,
दिवं णरेसं पुरपोदणस्स।
संपत्तिसवं तिणवंच चत्तं,
णमामि तं गोम्मट-देवदेवं ॥1॥

मित्ताणि जो बाहुबलेण बाले,
मज्जम्भि जो माणबलेण चक्रिं ।
जेयं पुणो आदबलेण कम्मं,
णमामि तं गोम्मट-देवदेवं ॥2॥

अकप्पणीयं परमं तवस्सिं,
दारूणणकटुं सहियं समाणं ।
कम्मारि जेयं वरकामदेवं,
णमामि तं गोम्मट-देवदेवं ॥3॥

णियप्पलीणं मणचित्तहारिं,
सिद्धालयं पत्तपहुं अणंतं।
सिद्धं जिणं बाहुबलिं विसुद्धं,
णमामि तं गोम्मट-देवदेवं ॥4॥

विरागयं मुत्तिरमासुकंतं,
सुद्धं विबुद्धं सिवसोक्खदायं ।
सुकामदेव सुरवंदणिज्जं,
णमामि तं गोम्मट-देवदेवं ॥5॥

अखण्ड-पासाण-किदं सुमुत्तिं,
सुझायणीयं दिघचागमुत्तिं।
आकस्सियं बेलगुलस्स रायं,
णमामि तं गोम्मट-देवदेवं ॥6॥

सिद्धिजुदो जस्स महाहिसेगो,

आणंदजुतो तह विस्सवंदं।
चित्तं पसीदेइ सुदंसणादो,
णमामि तं गोम्मट-देवदेवं ॥7॥

विज्ञायले ज्ञाणरयं सुदेवं,
कित्ती दिसासुं पसरे पसिद्धं।
पस्सेइ णिच्चं सुदभद्वाहुं,
णमामि तं गोम्मट-देवदेवं ॥8॥

- Shraman Muni Aaditya Sagar ji
(Sanghasth Acharya Vishuddha Sagar ji)

णमो जिणिंद-गोम्मटं

आदि-जिणिंद-पुत्तगं सुणादा-णेत्त-रम्मगं।
सुरिंदविंद-सेविंदं, णमो जिणिंद-गोम्मटं॥1॥

कदोट्ट-पुफ्फ-लोयणं, सुसप्पकिण्ह-कुंतलं।
घाणा-अपुव्व-चंपगं, णमो जिणिंद-गोम्मटं॥2॥

गइंद-सुड्ड-बाहुगं, सुकंठ-पुट्टी-कंधगं।
णियंबसेट्ट-पादुगं, णमो जिणिंद-गोम्मटं॥3॥

णिगंठ-रम्म-मुद्दगं, णिपंथ-पंथ-दायगं।
अपुव्वसति-सणिहं, णमो जिणिंद-गोम्मटं॥4॥

मणोय-मोह-मारगं, सुभवजीव-कप्पगं।
विमोक्ख-मग्ग-आरसं, णमो जिणिंद-गोम्मटं॥5॥

उवास-वास-संजुदं, लदादि-विट्ट-साहगं।
णियप्प-लीण-धीरगं, णमो जिणिंद-गोम्मटं॥6॥

सु-सत्ततच्च-घोसगं, कसाय-सल्ल-मोचगं।
विमुक्खमग्ग-पोसगं, णमो जिणिंद-गोम्मटं॥7॥

अणंत-णाण-दंसणं, सुहादि सव्व धरंगं।
तिलोय-पुञ्जभूसणं, णमो जिणिंद-गोम्मटं॥8॥

-Acharya Sunil Sagar Ji

सवणबेलगुलराओ गोम्मटेसो

भव्यप्पा! पुरुदेवस्स उसहदेवस्स लहुणंदणो राया-बाहुबली वित्तलगरिमाए पोदणपुरम्हि रज्जं किदो। अगगजं पढमं चक्केसं भरहरायं तयजुद्धेसुं हाराविदूणं परम-वेरगं धारिदूणं वस्सेय-पञ्जंतं उक्किटु काओसगं किदो। पुणो भरहेसस्स विणम्म-वयणाइं सुणिदूणं तस्स माणं गालिदं तहा झन्ति हु केवल्लजोदिं पत्तो। इह उवलक्खे भरह-चक्किणा केवली-बाहुबलिस्स उत्तुंग-हेमयी-पडिमा- ठावणं किदं। इमं बुतंतं सुणिदूणं चामुंडरायस्स माया-काललादेवीए तस्स बिंबस्स दंसण-जिणासा जादा। जत्ता आरंभिदा णं बहु-उज्जमेहिं पि जदा इमा वंछा अपुणा होसी, तदा जत्ता-विस्सामो सिद्धंतकवट्टि-आइरिय-णेमिचंदस्स चरणेसुं होसी। रत्तीए आइरियं मंति-चामुंडरायं एवं मायं पि सरिस-सिविणं जादं। सिविणे कुसमंडिणी-देवीए सरसंधाणेण दिव्व-अब्मुद-बाहुबलिस्स दंसण-संकेयं किदं। जहेव गुरु-आणाए मंतिणा सरसंधाणं किदं, तदेव विंझं-पव्वए अणुवमचित्तं दिस्सीअ। ताए सिलाए हु पडिमा-णिम्माणं आरंभिदं। बहुपसिद्ध-सिप्पकला-वेसिद्धुजुद-अरिटुणेमि-णामेण सिप्पिणा अप्पसमए पडिमा-णिम्माणं किदं। णिम्माण-उवरंतं महापंचामिद-अहिसेगो होसी, जो अज्जपञ्जंतं गदिमाणो अथिथ। जो कोवि एगवारं अस्स मणोहर-बिंबस्स सुदंसणं करेदि, सो मंतमुग्धो होदूणं तथेव वसेदि। एवंचेव दिव्व- आलोगिंग-अगणिदतेज-चुंबगीय- आकस्मण-जुत्ता जीवंत-पडिमा सयल-विस्से णथिथ। इदं दिव्व-बिंबं सवणबेलगुल-रायं गोम्मटेस-बाहुबलिं हं णोमि ॥

- Shraman Muni Aaditya Sagar ji (Sanghasth Acharya Vishuddha Sagar ji)

पाइयं अब्मुद्गावेमो



सरलं महुरं ललियं पाइयं अब्मुद्गावेमो।

तित्थयरवाणिं लोगभासं जगकल्लाणिं - पाइयं अब्मुद्गावेमो ॥

आगाम-पयरण-कहा-नाडगोसु रम्मं

खेत्तिअभासाणं जणणिं जणप्पियं - पाइयं अब्मुद्गावेमो ॥

सिलालेह-कव्व-कव्वसत्थाणं मणोहरं वायं

सककयसहिं सक्किइरक्खगं तं - पाइयं अब्मुद्गावेमो ॥

जणजीवणवणणं पगइचित्तगं कंतं

मरहट्ट-सूरसेण-मगहाइसु पसिद्धं - पाइयं अब्मुद्गावेमो ॥

जोइस-गणिय-वत्थु-जोगनिरूवगं

भारहे खेत्ते सव्वत्थसंपूजियं तं - पाइयं अब्मुद्गावेमो ॥

भारहस्स साहिच्चं अपुण्णं जं विणा

कुसलं मंगलं हव्वेज, सव्वेसिं जेण तं - पाइयं अब्मुद्गावेमो ॥

- Prof. Dharm Chand Jain, Jodhpur

गोम्मटेस-अद्वगं

(मालिणी-छंदो)

उसहजिण-सुपुत्रं सुणंदाणेत रम्मं, णिव-भरह कणिष्टं अदि-उत्तुंग देहं।

पउदणपुर-धीसं साहिमाणी गिरिवं, भुवण-मउडरूवं गोम्मटेसं णमामि ॥1॥

लसदि णयणसोहा तिट्ठिदा णासिकगे, लसदि य ओट्टु पंती सामजुतं सुरम्मं ।

लसदि चिडग सेटुं कंबुंकंठं च कंधं, भुवण-मउडरूवं गोम्मटेसं णमामि ॥2॥

तणु-विहव अतुल्लं भासुरा सोम-मुद्दा, विलसदि दुवि बाहो हत्थी सुंदब्ब दिग्घं ।

पुठि-पडल समीवे इंदवज्जो वि हीणं, भुवण-मउडरूवं गोम्मटेसं णमामि ॥3॥

अगणिद ससिलेहा कर्तहीणा भवंति, सुह चरणणहाणं चंदगाणं समीपे ।

तह य सयल मुद्दा देदि मोक्खस्स दिट्ठी, भुवण-मउडरूवं गोम्मटेसं णमामि ॥4॥

दमयदि मयणाणं वाहिणं च समूलं, वितरदि भविजीवं सेटु सम्मं सुहं च।

दलदि कलुसपुंजं रक्खदे सज्जाणाणं, भुवण-मउडरूवं गोम्मटेसं णमामि ॥5॥

ण य मद मल रेहा णो कसायादि दोसा, ण य मरण जराणं जम्मं च णत्थि जस्स।

विसद विमल बोहो सम्मदिट्ठी जुदा जो, भुवण-मउडरूवं गोम्मटेसं णमामि ॥6॥

सुर-णर-णयणेहिं पूजिदा जस्स मुत्ती, णिहिल-मुणिवरेहिं अच्चिदा जस्स कित्ती।

विमल-करुण-भावा रक्खदे जीवलोगं, भुवण-मउडरूवं गोम्मटेसं णमामि ॥7॥

पयड विमल रम्मं जहाजादं च रूवं, किद-बरिसुववासं अप्पलीणं सहावं ।

रहिद सयल संगं, वीदरागं णिसल्लं, भुवण-मउडरूवं गोम्मटेसं णमामि ॥8॥

- Unknown

बाहुबली-सामी-थुदि

बाहुबली सामी, तुमं लोय सामी।

मूरती संतिआ, पइदिण सिमरामो ॥

आदिणह पुत्तरो, भरदस्स भायरो।

भायरं ण जिदइ, सव्वरज्ज सव्व दाइ ॥1॥

सुणंदादेविआ, गब्बेण जम्मिय ।

अणुवम कीरदि, आणेइ लोयम्मि ॥2॥

दिट्ठिऊं अणुजो, होईअ अग्गजो ।

होइ विवेगवंदो, बहुसह होऊण ॥3॥

संतिआ वयणं, उज्जल णिलयं।

विस्सस्स आदरसं, तुज्ज य दरसणं ॥4॥

बेलगोल रायो, अणंत तेयो ।

विसटु धवल पउम, तुज्ज पायाणि ॥5॥

- Dr. Shanti Sagar, University of Mysore

जहा आयरिय-महापण्णो गोमटेसं दिट्ठं



सेयाम्बर-तेरापंथ-धम्मसंघस्स सुपसिद्धो
आयरिय महापण्णो 15 मई 1969 जेठकिण्हा
चउदसी दिवसम्मि गणाहिपइ-आइरिय-
तुलसी-सह गोमटेसस्स दंसणं किदं। तया
गोमटेसस्स विसाल-पडिमा दट्ठूण महापण्णो



सककय-भासम्मि आसु-कव्वं इत्थं पकारेण विरइदा-

शक्तिव्यक्तिं याति बाहुद्वयेन, ज्ञानालोको मस्तकस्थो विभाति ।

आलोकानां माध्यमं चक्षुरेतत्, मोहाऽभावो व्यञ्यते पुंस्कचिन्हैः॥1॥

शक्तिः समस्ता त्रिगुणात्मिकेयं, प्रत्यक्षभूता परिपीयतेऽत्र ।

स्फूर्त्ताः स्वभावाः सकलाश्च भावाः, मूर्ता इहैवात्र विलोक्यमानाः ॥2॥

स्वतंत्रतायाः प्रथमोऽस्ति दीपोः, नतो न वा यत्स्खलितः क्वचिन् ।

त्यागस्य पुण्यः प्रथमः प्रदीपः, परम्पराणां प्रथमा प्रवृत्तिः ॥3॥

समर्पणस्याद्यपदं विभाति, विसर्जनं मानपदे प्रतिष्ठम्

शैलेशशैलीं विदधत्स्वकार्यं, शैलेश एष प्रतिभाति मूर्त्तः ॥4॥

- Dr. Anekant Kumar Jain

मुक्खमंत्ति-जोई पागदमणीसि-फुल्लचंद-जडणं सम्माणं पदतं

7 फरवरी 2018, लखनऊ णयरम्मि पसिद्धो लोकभवणम्मि उत्तरपदेस-
सककय-संठाणं, उत्तरपदेस-सरकारस्स
मुख्य-मंत्ति-माणणीय-जोई-आदित्त-
णाहो तहा महामहिम रञ्जपाल रामनाइक
महोदयस्स करकमलेण पागद-सककय-
जडणदंसणस्स पसिद्धो वरिट्ठ-विउसो
आइरिय फुल्लचंद-जडण- पेमी, वाराणसी,
महोययं विसिट्ठ-सम्माणेण सम्माणं किदं
तहा य अंगवत्थ सहियं एगलक्ख एगसहस्स
रूप्पगं पदतं। पागद-भासा पक्खदो
सुहकामणा।

- Dr. Arihant Jain, Mumbai



भजह गोम्मटेसं



भजह गोम्मटेसं सया वीयरायं जिणेसं महेसं च सव्वेगणाहं।
अणांतं सुहं जेण लङ्घं तवेण पडिमासुजोगेण बरिसेगमियेण ॥1॥

भजह गोम्मटेसं णमह गोम्मटेसं
गोम्मटेसस्स सरणं सया सोक्खयारी ॥2॥

आसी सयं जो चरमदेहधारी आदीसपुत्रो हि भरतेसबंधू,
पठमकामदेवो वि महापुण्णसाली बाहुबली एस जगदेगबंधू ॥3॥

पोदणपुरस्स राया जिणधम्मसारपत्तो जिणधम्मकम्मदक्खो सुहकम्मचित्तधारी
सुहकम्ममग्गचारी गुणदोसभेययारी पहुमाणसीसधारी णियमाणधण्णभारी ॥4॥

रज्जं दाऊण मण्णह चक्किणं भरहेसबन्धुं कुरु तुं णिच्चं रज्जं बंधुविणयायारी।
चक्किचरवयणं सुणविय उत्तं बाहुबलिणा कहमेदं कहमेदं रज्जं मया देयं खलु ॥5॥

ए हि दाहिस्सामि कहं दाहिस्सामि रज्जं मे त्थि रक्खणं हं करिहिस्सामि ॥6॥

वप्पेण दत्तमिणं रज्जं ममेव अतिथ तम्हा ण कस्स वि करे तं समप्पिअं।
करितव्वं मे त्थि णूणं पत्तरज्जस्स रक्खणं कहं तं देयं मया चक्कवट्टि करे वरं ॥7॥

णो देयं णेव देयं दाहिस्सामि णेव कहं साहु उच्चरिज्जह बंधुस्स रज्जहारणं।
जदि हरिहिस्सदि कोई मे रज्जं तदा हं रक्खहिस्सामि भद्वं सिया तज्जुद्धकारणं ॥8॥

सम्मं आगअं जुद्धं पियहरं हियनासगं बंधुजुगस्स मञ्जे लोये दुक्खकारणं।
को लाहो बंधुजुद्धस्स चरमदेहादो तदुहअस्स सेण्णधादो होहिदि केवलं सोययरो ॥9॥

तब्बवमुत्तिगेहिं एदेहिं बंधुहिं परफरेहिं जओ वा पराजओ वा कारयिदव्वो कदाचिं।
एदेहिं च सिया एदेसिं बलपरिक्खणं तथ्थ पुण जयं लभे जो तस्सेव भवे चक्काइयं सव्वं ॥10॥

तेसिं मञ्जे जादं पठमतेणं च दिट्टीजुद्धं बाहुबलिणा लङ्घो जयो हि तथ्थ विसेसदो।
बीअे पुण जलजुद्धे तदीये य मल्लजुद्धे वि बाहुबली एव लङ्घजयो जयघोसो भयंकरो ॥11॥

दत्तं भरहेण चक्कं अहवा घादिदुं हि खिप्पं परिक्कमिय बाहुबलिणं खलु वरेण्णं।
हत्थे समागअं पुण चक्किणो भरहस्स वरे दिट्टमिणं बाहुबलिणा वेरज्जं लङ्घं हियवरं ॥12॥

हा संसारगई धिगत्थि मे जीवियं भोययरं णत्थि विणा संजमदो सारभूदं मे तथ्थ किंचि।
णादूयेवं सव्वं तिणमिव चत्ता य मुणी जादो धण्णो महातवस्सी पडिमाजोगेण सो वरो ॥13॥

वरिसेगपरजंततवं किदं पुण तेण णिज्जरिदे पक्खयिदे च सब्बघाइकम्माणं।
अरहंतो सो जादो अणंतसुहबोहसंपण्णो बाहुबली खलु अज्ज सिद्धपरमेष्टी सयं ॥14॥

आसी पुण आइरियो णेमिचंदो य सिद्धंतचक्कवई सिस्सो खलु तस्सेव पुणो सावओ
चामुण्डराओ।

जिणपडिमा च तेण पभूयसुवण्णदाणेण णिम्माविया मुत्तियारो य भवे धण्णो णिल्लोहो च जेण।

तेण दु अइसइयारी पडिमा विणिम्मिआ पुण एसा बाहुबलिणो सुबिंबमई॥15॥


अत्थ खलु अज्ज वि जसो लोये मुत्तियारस्स चामुण्डरायस्स च विसिटो।
जम्हा पडिमा सम्म अत्थ अइसइयारी पुण विस्मुदविसेसा ॥16॥

सवणवेलगोलम्मि सुकरणाडदेसे सिरीक्खेतपुणे सुमहिमाविसाले।
विंज्ञगिरितुंगविसालसोहं जिण बाहुबलिणं हं सिरसा णमामि॥17॥

भजह गोम्मटेसं सया धम्मरूवं परमधम्मपत्तं सया सुक्खरूवं
सब्बस्स सिद्धीअ हेदुं पभूदं जिण बाहुबलिणं हं मणसा णमामि ॥18॥

भजह गोम्मटेसं णमह गोम्मटेसं गोम्मटेस्स सरणं सया सोक्खयारी॥19॥

- Prof. Shriyansh Kumar Singhai, Jaipur



Right fit: A participant assembles a bullock cart at a rural sport event organised as part of Hampi Utsav. As the cultural event is popular in Hampi village of Vijayanagara, Karnataka. *SPECIAL ARRANGEMENT

Why hasn't Prakrit got classical status, asks French Indologist

It was as an integral part of social life & polity for centuries'

SATHISH G.T.
SHRAVANABELAGOLA
Six Indian languages – Tamil, Sanskrit, Kannada, Telugu, Malayalam and Odia – have been given the classical language status, but it is surprising that Prakrit did not figure in the whole debate of classical language, says Nalini Balbir, French Indologist.


The scholar from Sorbonne-Nouvelle University in Paris, who delivered the keynote address at the inauguration of the International Prakrit Conference at Shrawanbelagola, said Prakrit in all its variant forms was the language of the common people, and it was an integral part of social life and polity for centuries.

Many great works of Jain & Buddhist philosophy are in Prakrit. Despite its significant contribution to the Indian literary heritage, at one point the language was projected as popular or vulgar," said Prof. Balbir, speaking on the sidelines of the seminar.

"Prakrit started losing importance after the 12th Century, that is the time when regional languages in the northern part of the country emerged. The fact that it was spoken by the common people was also one among the reasons for the scholars of that time to ignore it. "While Sanskrit, another ancient language, continued to gain recognition, Prakrit was sidelined," she said.

In recent years, the language is receiving attention with a few universities in India and abroad offering courses in Prakrit studies. Young scholars of Japan have developed an interest in Prakrit studies and Jainology.

"Many young scholars in Japan and Russia are into Prakrit studies. In fact, Kundakunda's [Jain scholar] works in Prakrit have seen Russian translations," she said.



सरामि सामिं धरसेण-सायरं

चंदगुहमिम्म परिराजमाणो । झाणेगमुद्दा पिरदो दयालु ॥

उगेण जिणे तवसेण सिणो । सिद्धिलत्त-देहो जरयाभिमूदो ॥ (1)

आयरिय वरिट्ठो धरसेण सामी । विचिंतइ सुयंसं कहं हि रक्खिदा ॥

चिंताउरो णाणवरो अहेसि । सा वारसंगी विडला विमिस्सिदा ॥2॥

संसूचिदो सो महिमिह यणरे । सहा-मुणीण संजोदिदत्थि ॥

जादे स-संदेश णवेग वंछा । संपेसणे य स-मदिं करेदि ॥3॥

संपेसिदं सिग्घ संदेस-वाहगं । संसूचिदं संकेए सहा-पहाणं ॥

पेसेहि मं साहु तवस्मि सिग्घं । पबुद्धणाणी य सयापमत्तं ॥4॥

अवप्प संदेसमचिरं पहाणं । संपेसिदा बे वि तवस्सि साहू ॥

सिरि पुफ्फदंतं हि सुबुद्ध साहगं । तहापरं भूदवलिं महप्पं ॥5॥

समुपत्थिदं तां सहसा हि पस्स । परिक्खिदा बे वि अतंद-साहगा ॥

चरिम सुयकेवलि धरसेणो वि तुट्ठो । असेसं पदतं तां सुयंसं महग्घं ॥6॥

माहो ण जादु अम्हस्स अंते सरीरे । गच्छेदि अण्णप्पदत्ता तां सुसिस्सां ॥

अण्णणुसारेण किदं विहारं । पतांकुलेसरे बे वि महातवस्सी ॥7॥

संकप्प भव्वं मणसिं णिधाय । लेहोवगरणं तु य तथकाले ॥

सुकरोवलद्धि ण हि पस्समाणे । वाणी सुलेखत्थ कधमेदि चिंता ॥8॥

चिंताउला पस्स जिणवाग-पभत्ता । जणा पदत्ता लेहणत्थं भोयपत्ता ॥

अप्पिदा य तां हिं कट्ठलेहणी । सुरंगं वणप्फइस्स चित्तं-विचित्तं ॥9॥

एयं पयारेण हि खंड-सिद्धंतं गंथं । लिहिदं हि तेहि मुणि-णंदणेहिं ॥

हियरया वारसंगी य सारभूया । सिद्धं तागमा हि गिधिदं णवाणं ॥10॥

मुणिंदेहिं तेहिं रचिदा सुसुत्ता । सूरसेणिम्हि सरलं णितंत ।

पठमागमेणेव ताणं हि बोहो । पाभदि णं भूमिहि ण किंचि संसयं ॥11॥

सञ्ज्ञाय-काले अणुहूय कट्ठं । कालंतरे जादमवप्प भत्तं ॥

पंचायरियवराणंतरे मुणि वीरसेणे । किदा य टीका सुबोहा णवीणा ॥12॥

णामा य धवला विणाण-सोता । सुबोहिणी या लिहिदादिभव्वा ॥

णाणसायरा अइमहिमावइ सा । मणिप्रवालन्याय-शैली पणीदा पसिद्धा ॥13॥

पवित्रस्स तस्स पिहदस्स भूमिहिं । सहित्तरयणस्स विभासागस्स ॥

पवयणकत्तं आयरिय धरसेण धण्णं । णमामि मण-वय-देहाहि तं वरं ॥14॥

सिरिपुफ्फदंतं वरसुत्त-लेहणं । तहेव तं भूदवलिं मुणिंदं ॥

टीगस्स कत्तारमिहेक धण्णं । सिरि वीरसेणं पणमामि णिच्चं ॥15॥

बाहुबलिण दिव्व मत्थगाहिसेंगं

बाहुबली महासामिण, अहिसेंगं दिव्व मत्थगाहिसेंगं।

आयरंति भव्वजणा, भत्ति-भावेण साणंद ॥



जस्स पित परमप्पा, भायरो चक्कवट्टी गोम्मटस्स जेट्टूं ।

तं तब्बव मोक्खगदो, बाहुबलिण मत्थगाहिसेंगं॥

जो सिद्धं बाहुबली, अप्प सम्माणं सादंतं रक्षिवउं ।

तं अहिंसाजुद्ध कत्तारो, बाहुबलिण मत्थगाहिसेंगं ॥

जो धम्मजुद्धेण जिदं, दिट्टं जलं य मल्लं तिविहं ।

तं महाबली सुभडो, बाहुबलिण मत्थगाहिसेंगं ॥

जो जिदं चक्कवट्टीं, सुदंसणचक्कं वि य गदं विवसं ।

तं वज्जकायबली, बाहुबलिण मत्थगाहिसेंगं ॥

जो जिदूण सब्वं वि य, अहिंसाजुद्धेण सब्वं पि परिदत्तं ।

तं विराई चागी य, बाहुबलिण मत्थगाहिसेंगं ॥

जो किदं वस्सेगकालं, अणसणं झाणं वि य धारिंदं ।

तं झाणी जोगी य, बाहुबलिण मत्थगाहिसेंगं ॥

जो किदं संसारखयं, दब्व खेत काल, भव भावं च ।

तं सिद्धपरमेट्टी, बाहुबलिण मत्थगाहिसेंगं ॥

जो अहिंसाए सुहं, संति चागेण च मेत्तिए विगासं ।

तं झाणेण सिद्धीं आहं, बाहुबलिण मत्थगाहिसेंगं ॥

जो इंदगिरिसिहररस्स, अक्खयं च सिलाए णिम्मिदं ।

तं लोए पढमच्छरियो, बाहुबलिण मत्थगाहिसेंगं॥

जो णिम्मिदं चामुंडरायो, देवि कुसुमंडिणी किवपसादं ।

तं वस्सबारहे होइ, बाहुबलिण मत्थगाहिसेंगं ॥

जो मंगलं उत्तमं च, सरणं इहकालम्मि मोक्खगदं ।

तं पढममोक्खगदो, बाहुबलिण मत्थगाहिसेंगं ॥

जो किदं चारुकिती, भडारगो अणेग मत्थगाहिसेंगं ।

तं भरदस्स चारुकिती, बाहुबलिण मत्थगाहिसेंगं॥

**FORM IV
(Ownership Statement)**

1. Place of publication : New Delhi
2. Periodicity of its publication : Half Yearly
3. Printer's Name : Sonu Printing Press
Nationality : Indian
Address : 585-C, Munirka, New Delhi-110067
4. Publisher's Name : Ruchi Jain
Nationality : Indian
Address : JIN FOUNDATION, Behind Nanda Hospital, A93/7A, Chattarpur Extension, New Delhi-110074
5. Editor's Name : Dr. Anekant Kumar Jain
Nationality : Indian
Address : A93/7A, Chattarpur Extension, New Delhi-110074
6. Names and addresses of individuals who own the newspaper and partners or shareholders holding More than one per cent of the total capital. N.A.

I, Ruchi Jain, hereby declare that the particulars given above are true to the best of my knowledge and belief.



Signature of Publisher

Date: 30 Mar, 2018



Shri Prabhat Chand Jain
Jt. Secretary, Trustee
DS Mahasabha



Anil Kr Jain
Jt. Secretary DS, Trustee &
Vice President DS Mahasabha

णमो जिणाणं







With Best Compliments from

Nagaland Decorative House

Opp. Indin Airlines Office,
Kohima Rd, Dimapur - 797112
Nagaland

For worthy readers...
**Sacred Jaina texts now available with
English translation and explanatory notes.**

Divine Blessings: His Holiness Ācārya Vidy nanda Muni
Editor: Vijay K. Jain




Published by:

Vikalp Printers

Anekant Palace, 29 Rajpur Road, Dehradun-248001 (Uttarakhand) India

www.vikalpprinters.com

- E-mail: vikalp_printers@rediffmail.com • Tel.: 0135-2658971, 9412057845



कण्णाटकपंते सवणबेलगोलाए ठिदो
विस्सपसिद्धो 57 फुट गोमटेस
बाहुबलिस्स मुत्तिस्स बारहवरिसओ
महामत्थकाहिसेगो महामहोस्सवस्स
उड्डुध्याटण 2018 वरिसम्मि
फरवरीमासम्मि सत्त (7) दिणंकम्मि
भारहस्स रट्ट पइ - महामहिम -
सिरी-रामनाथ-कोविंद - महोदयेण संपण्णं
जादं। सआधिकमुणिसंघ साणिघ्ये
कम्मजोई - सत्तिथ - सिरी - चारुकित्ति
भट्टारागस्स कुसलनिदेसणे दिअम्बर -
जइण - परंपराओ - सव्वसेट्टो - महोस्सवो
जादं। महोस्सवम्मि उवरट्ट पइ -
वेंकटझआ - णायडू तहा पहाणमातिओ
सिरि - णरेंद्र - मोदी वि समागओ। णरेंद्रमोदी
पागदभासम्मि गोमटेस - थुर्दि वि बोल्लझ।

इंटरनेट-जुगे पागद-भासा अहोलिहिवलिंकम्मि वि उवलझा अत्थि -
फेसबुग-सुन्न : <https://www.facebook.com/pages/Prakrit-Language-and-Literature/376483559110083?ref=hl>
Group - <https://www.facebook.com/groups/prakritlanguage/>
ब्लॉगसुन्न : <http://prakritlanguage.blogspot.in/>

संपर्क-सुन्न : pagadbhasa001@gmail.com, +91 9711397716

TITLE - PAGAD BHASHA,
RNI - DELPRA/2015/59918, ISSN. 2454-5252
DCP (L) - NO. F.2 (P-22) PRESS/2014
LANGUAGE OF THE NEWS PAPER - PRAKRIT
PERIODICITY - HALF YEARLY
PRICE - FREE OF COST DISTRIBUTION

Printed Matter Posted Under P&T Guide Sec. 114(7)

To

.....
.....
.....

If undelivered please return to -
JIN FOUNDATION, Behind Nanda Hospital, A93/7A,
Chattarpur Extension, New Delhi-110074